

ՍԻՍԻԱՆ

ՆԻԹԵՐ ԱՊԱԳԱՅ ՈՒՍՈՒՄՆԱՍԻՐՈՒԹԵԱՆ ՀԱՄԱՐ

Ն. ԼԱԼԱՅՆԱՆԻ

Յ Ե Ռ Ը Ջ Ը Բ Ը Ն

Նպատակ դնելով մեզ ազգագրական նիւթեր հաւաքել ամբողջ Զանգեզուրի գաւառի մասին, որ բռնում է Սիւնեաց աշխարհի մեծագոյն մասը և բնակուած է բաւական տարբեր ժողովուրդներով՝ մենք որոշեցինք նրան բաժանել մի քանի, ազգագրական տեսակէտից անհրաժեշտ մասերի և իւրաքանչիւրն առանձնապէս ուսումնասիրել հետեւեալ ծրագրով. —

1) Պատմական տեսութիւն. — Այս մասում մենք շատ համառօտ կերպով լինելու ենք մեր հին մատենագիրների աւանդածները մեր ուսումնասիրելիք գաւառի մասին, և աւելի մանրամասն պիտի կանգ առնենք մեկիքների պատմութեան վրայ։

2) Տեղագրութիւն. — Այս մասում աւելի ուշադրութիւն դարձնելով բնական մասի վրայ՝ պիտի նկարագրենք առաւելապէս այժմեան քաղաքական վիճակը, միանգամայն լինելով և հինը։

3) Բնակչւնքի մասին կարելւոյն չափ մարդաբանական տեղեկութիւններ։

4) Բնակարանը և իւր պարագաները։

5) Զգեստը և զարդը։

6) Ընտանեկան բարք. — Որոշելով իւրաքանչիւր շրջանի բնիկ ժողովուրդը՝ հաւաքելու ենք ազգագրական տեղեկութիւններ նրանց ընտանեկան բարքի մասին (ամուսնութիւն, սղաքերք և կնուէք, ընտանեկան կեանք, հիւանդութիւն և բժշկութիւն, մահ, թաղում, մեռելոց լինատակ, հողու և հանդերձեալ կեանքի մասին)։

7) Տարուալ կարևորագոյն տօները և նրանց առթիւ կատարուող ծէսերն ու ժողովրդական սովորութիւնները։

8) Ժողովրդական բանասեր գրականութիւն։

Երբ այս ծրագրով նիւթեր կը հաւաքենք Զանգեզուրի ամբողջ գաւառի բոլոր մասերի վերաբերութեամբ՝ այն ժամանակ կը տանք ամբողջ գաւառին վերաբերեալ հետեւեալ վեց լոգուածները.

1) Վիճակ ազրական տեղեկութիւններ ամբողջ գաւառի վերաբերութեամբ.

2) Ամբողջ գաւառի տնտեսական գրութիւնը.

3) Կերակուր և խմիչք.

4) Հաւատք.

5) Ազգային իրաւաբանական սովորութիւններ, և

6) Հաւ գրչագրներ.

Մեր այսպէս վարուելու գլխաւոր պատճառն այն է, որ թէ տնտեսական և թէ վիճակագրական տեղեկութիւնները, որոնց մեծագոյն մասը պաշտօնական հիմնարկութիւններից պէտք է խնդրել՝ խառն են և ամբողջ գաւառին են վերաբերում, և ոչ թէ գաւառի մեր ցանկացած մասերին առանձնապէս: Մէկ էլ որ համեմատութիւնների և ընդհանուր եզրակացութիւնների համար անհրաժեշտ է, որ ի միասին նկատուին:

Ինչ վերաբերում է սննդին՝ պէտք է ասեմ, որ միևնույն գաւառի զանազան մասերի մէջ մեծ տարբերութիւններ չեն նկատուում. մասնաւոր ուր փոքրիկ առանձնապատկութիւններն էլ զոտար չէ առանձնապէս լինել:

Հաւատքի բաժնում մենք հաւաքելու ենք գլխաւորապէս կուսադաշտական կրօնների մնացորդները, սնոտիապաշտութիւնները, կախարդութիւնները և այլն, որոնք առանձնապէս բնիկ ժողովրդի հետ այնքան էլ սերտ կապուած չեն, և կարող են վերագրուել նաև ամբողջ գաւառին, թէև հարկաւոր դէպքերում լինելու ենք տեղը, ժողովուրդը և այլն:

Ազգային իրաւաբանական սովորութիւնների մէջ մենք առաւելապէս աշխատելու ենք նիւթեր հաւաքել մեկիքների ժամանակ տիրապետող սովորութիւններից. թէև այդ միջոցներում միևնույն գաւառում մի կամ մի քանի մեկիքներ են եղել՝ բայց նրանք իրենց կարգերով, իրաւունքներով ու սովորութիւններով միմեանցից շատ չեն տարբերուել:

Մեր ճանապարհորդութեան միջոցին մենք իւր ուղեցոյց ընդունում ենք բազմադիւն Հայր Ալիշանի Սխականութեւնը: Այս գեղեցիկ աշխատութիւնը մեզ արդէն բաւական նպաստեց մեր անցեալ ամառուայ ճանապարհորդութեան միջոցին: Վերաստուգել այստեղ նկարագրուած տեղերը և լրացնել, — ահա այս կը լինի մեր նպատակը մեր աշխատութեան տեղագրական բաժնի մէջ: Իսկ նրա թանկագին պատմական տեղեկութիւնները մեզ կառավարողներն աւելի ուշադրութիւն դարձնելու պատմական միջավայրերի վրայ:

Այս անգամ աղագրելով Սխականութեւնը՝ մենք արդէն պատրաստ ունինք նաև Զանգեզուրի ոստիկանական շրջանի տեղագրութիւնը, որ լույս կը տեսնէ Հանդիսի ներկայ տարուայ բ. զրքում: Իսկ այս ամառ մենք կրկին կը շարունակենք մեր ճանապարհորդութիւնը:

Խնդրում ենք ձեռնառն անձանց՝ քննադատել մեր ընդունած այս ծրագիրը և մատնանիչ անել այն միջոցներն իրաւ, որոնք կարող են նպաստել գործը աւելի լրիւ կատարելու: